



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BOD



A.nr. 643/20

KRYESUESI I SEKRETARIATIT TË OSHP-së , në mbështetje të nenit 53, të Ligjit me nr. 05/L-031, për procedurën e përgjithshme administrative, bën anulonim të vendimit të OSHP-së, me nr. 643/20, të protokolluar me datë 10.09.2020, që ndërlidhet me procedurën e prokurimit: “Ndërtimi i rrugës Drelaj – Leqinat në Rugovë”, me numër të prokurimit AP: 635-20-2895-5-1-1 dhe numër të brendshëm: 635-20-030-5-1-1, të iniciuar nga AK /Kuvendi Komunal Pejë, më datën 14.09.2020 mori këtë:

V E N D I M

- I. **SHFUQIZOHET**, vendimi i OSHP-së, nr. 643/20, i protokolluar me datë 10.09.2020, që lidhet me procedurën e prokurimit me titull: “Ndërtimi i rrugës Drelaj – Leqinat në Rugovë”, me numër të prokurimit AP: 635-20-2895-5-1-1 dhe numër të brendshëm: 635-20-030-5-1-1, të iniciuar nga AK /Kuvendi Komunal Pejë.
- II. **PEZULLOHET**, procedura e prokurimit në autoritetin kontraktues për aktivitetin e prokurimit me titull “Ndërtimi i rrugës Drelaj – Leqinat në Rugovë”, me numër të prokurimit AP: 635-20-2895-5-1-1 dhe numër të brendshëm: 635-20-030-5-1-1, të iniciuar nga AK /Kuvendi Komunal Pejë, deri në nxjerrjen e vendimit tjetër.
- III. Organi Shqyrtues i Prokurimit do të vazhdoj me procedimin e ankesës së OE “Mirusha Company” SH.P.K. - Klinë, me numër të protokollit 643/20, i protokolluar me datë 10.09.2020, të parashtruar kundër njoftimit për dhënie të kontratës lidhur me aktivitetin e prokurimit “Ndërtimi i rrugës Drelaj – Leqinat në Rugovë”, me numër të prokurimit AP: 635-20-2895-5-1-1 dhe numër të brendshëm: 635-20-030-5-

1-1, të iniciuar nga AK /Kuvendi Komunal Pejë, në pajtim me nenin 113, 114, 116 dhe 117 të LPP-së.

A R S Y E T I M

Operatori Ekonomik **“Mirusha Company” SH.P.K. - Klinë**, më datën 10.09.2020, përmes shkresës, ka kërkuar nga OSHP, korrigjimin dhe rishqyrtimin e vendimit të datës 10.09.2020, me numër të protokollit 643/20, duke u arsyetuar se ankesa e tyre është dorëzuar ne orarin zyrtar të punës mirëpo sistemi elektronik e-prokurimi e ka rritur për 4 minuta afatin e dorëzimit pranimit të ankesave. Po ashtu anulim të vendimit të lartcekur ka kërkuar edhe Kryetari i OSHP-së.

OSHP, sqaron se me vendimin 643/20, të datës 10.09.2020, është vendosur që të hedhet ankesa e OE **“Mirusha Company” SH.P.K. - Klinë**, si e jashtë afatshme ngase të gjitha shkresat që zyrtaret e OSHP-së i kanë kontrolluar në mënyrë elektronike, ka rezultuar se ankesa në fjalë është dorëzuar me datën 07.09.2020 ora 16:04.

Mirëpo OSHP vendimin e lartcekur e shfuqizon duke marr parasysh faktin se KRPP me datën 11.09.2020, si institucion kompetent për sistemin elektronik të E-prokurimit, ka sqaruar se ankesa e OE **“Mirusha Company” SH.P.K. - Klinë**, lidhur me aktivitetin e prokurimit **Ndërtimi i rrugës Drelaj – Leqinat në Rugovë**, me numër të prokurimit AP: **635-20-2895-5-1-1** dhe numër të brendshëm: **635-20-030-5-1-1**, të iniciuar nga AK /Kuvendi Komunal Pejë, është krijuar me datën 07.09.2020 ora 15:38 minuta derisa është dërguar me datën 07.09.2020 në ora 16:00, dhe sqarojnë se paraqitja e kohës së dorëzimit të kësaj ankese me datën 07.09.2020 në ora 16:04 minuta është problem teknik apo çështje e sinkronizimit në kohe të komponentëve të sistemit të prokurimit elektronik dhe në të cilin është duke u punuar që të rregullohet. Emaillet notifikuese për dërgim të ankesës me numër 2020/0001140 janë pranuar në ora 16:00 nga të gjithë përdoruesit e ndërlidhur me këtë përdorim(OSHP AK).

Organi Shqyrtues i Prokurimit, përkatësisht Kryesuesi i Sekretariatit të OSHP-së, pas pranimit të shkresës / për shfuqizim /anulim të vendimit 643/2020, të dt. 10.09.2020, i ka trajtuar dhe shqyrtuar me kujdes të njëjtat shkresa/ kërkesa dhe pas administrimit të të gjitha provave shkrese, ka konstatuar se ankesa e OE **“Mirusha Company” SH.P.K. - Klinë**, e dorëzuar në

mënyrë elektronike me datën 07.09.2020, ndërsa është protokolluar me datën 08.09.2020 me nr. të protokollit. 643/20, e parashtruar kundër njoftimit për dhënie të kontratës lidhur me aktivitetin e prokurimit “Ndërtimi i rrugës Drelaj – Leqinat në Rugovë”, me numër të prokurimit AP: 635-20-2895-5-1-1 dhe numër të brendshëm: 635-20-030-5-1-1, të iniciuar nga AK /Kuvendi Komunal Pejë, duhet të shqyrtohet për faktin se e njëjta është dorëzuar në OSHP brenda afatit ligjor.

Nga ana e OSHP-së për shkak sqarimeve të mangëta të dhëna nga palët në procedurë, gabimisht është hedhur si e jashtafatshme ankesën e OE “Mirusha Company” SH.P.K. – Klinë. Kjo ngatërresë ka ndodhur edhe për faktin se sistemi elektronik nuk e definon sekt kohën e dorëzimit të ankesës dhe ka qenë e pa qartë ora dhe minuta e dorëzimit të ankesës për shkak të problemeve teknike të sistemit ashtu siç ka sqaruar edhe KRPP-ja.

Organi Shqyrtuesi i Prokurimit sqaron se do të vazhdoj me procedimin e ankesës së OE “Mirusha Company” SH.P.K. - Klinë, me numër të protokollit 643/20, të dorëzuar në mënyrë elektronike me datën 07.09.2020, të parashtruar kundër njoftimit për dhënie të kontratës, lidhur me aktivitetin e prokurimit “Ndërtimi i rrugës Drelaj – Leqinat në Rugovë”, me numër të prokurimit AP: 635-20-2895-5-1-1 dhe numër të brendshëm: 635-20-030-5-1-1, të iniciuar nga AK /Kuvendi Komunal Pejë, në pajtim me nenin 113, 114, 116 dhe 117 të LPP-së. Organi Shqyrtues i Prokurimit konform nenit 53, të ligjit me nr. 05/L-031, Për Procedurën e Përgjithshme Administrative, si dhe duke u bazuar në atë që u përshkrua si më lart vendosi si në dispozitiv të këtij vendimi.


KËSHILLË JURIDIKE:

Kundër këtij vendimi nuk është e lejuar ankesa, por pala e pakënaqur me kërkesëpadi mund t’i drejtohet Gjykatës themelore-Departamentit për çështje Administrative në afat prej 30 ditësh nga data e pranimit të këtij vendimi.

Vendimi t’i dorëzohet:

- 1x1 AK – Komuna e Pejës
- 1x1 OE- “Mirusha Company” SH.P.K. - Klinë
- 1x1 Arkivës së OSHP-së;
- 1x1 Për publikim në web- faqe të OSHP-së.

Kryesuesi i Sekretariatit të OSHP-së



Ardian BEHRA